

NALUNAARUTIT - Grønlandsk Lovsamling

Serie C-II

ISUMAQATIGIISSUT

Naalakkersuisut Meeqqat Atuarfianneersut Kattuffiat, IMAK-ip akornanni Kalaallit Nunaanni meeqqat atuarfiini timelærerinut taartaasartunullu isumaqatigiissutaat piffissami 1. april 2018-imiit 31. marts 2021-mut.

Imai

KAPITALI I. ATAATSIMORUSSAMIK AALAJANGERSAKKAT IL. IL. 3

§ 1 ISUMAQATIGIISSUTIP ATUUFFII IL. IL.	3
§ 2 TIMELÆRERIT	3
§ 3 VIKARIT	4
§ 4 TIMELÆRERINIK ATORFINITSITSISARNEQ	4
§ 5 TIMELÆRERINUT SULINNGIFFEQARLUNI ANGALASARNERMI ANINGAASAATEQARFIK	6
§ 6 ATORUNNAARSITSINEQ	6
§ 7 SULIAMUT ATATILLUGU PIGINNAASAQARNERMI PIKKORISSUTSIMUT TAPIT	7

KAPITALI II. TIMELÆRERIT ILINNIARTITSISUTUT ILINNIARSIMANNGITSUT . 8

§ 8 PIFFISSAQ SULIFFIUSOQ	8
§ 9 TAPIT, AJUNNGITSORSIAT, AKISSARSIAT IL.IL.	8
§ 10 AKISSARSIAT	9
§ 11 SUMIIFFIMMUT TAPIT	9
§ 12 AKISSARSISITSINEQ	10
§ 13 UTOQQALINERSIAT	10
§ 14 ATAATSIMORUSSAMIK SILLIMMASIISARNEQ	10
§ 15 FEERIA	11
§ 16 NAPPARSIMANEQ	11
§ 17 MEEQQAP NAPPARSIMANERA ULLOQ SIULLEQ	12

§ 18 NAARTUNEQ, MEERARTAANEQ MEERAVISSIARTAAARNERLU	12
§ 19 TOQUSOQARNERA	13
§ 20 QANIGISAT NAPPARSIMARULUNNERAT AAMMA/IMALUUNNIIT TOQUNERAT ILISAANERALLU	13
§ 21 SAVAATEQARFINNI IL. IL. ANGERLARSIMAFFIMMI ATUARTITSINEQ	13
§ 22 QAANAAMI PINIARIARTARNERIT.....	14
KAPITALI III. TIMELÆRERIT ILINNIARTITSISUTUT ILINNIARSIMASUT....	14
§ 23 TIMELÆRERIT ILINNIARTITSISUTUT ILINNIARSIMASUT AKISSARSIAQARTINNEQARTARNERI	14
KAPITALI IV. VIKARIT.....	15
§ 24 TAARTAASARTUNIK AKISSARSIAQARTITSISARNEQ.....	15
§ 25 TAARTAASARTUNUT AKISSARSIANIK NAATSORSUISARNEQ AKISSARSISITSISARNERLU...	16
§ 26 FEERIA	16
§ 27 ATORUNNAARSITSINEQ	16
KAPITALI VI. AALAJANGERSAKKAT ALLAT ISUMAQATIGIISSUTILLU ATUUTILERFISSAA AAMMA ATORUNNAARSINNISSAA IL. IL.....	17
§ 28 NIPANGIUSSISIMASUSSAATITAANEQ	17
§ 29 SULISUT SINNIISUI	17
§ 30 TUNNGAVIUSUMIK ISUMAQATIGIISSUT.....	17
§ 31 ATUUTILERFIA AAMMA ATORUNNAARSINNEQARNISSAANIK KALERRIUTEQARNEQ	18

Kapitali I. Ataatsimoorussamik aalajangersakkat il. il.

§ 1

Isumaqatigiissutip atuuffii il. il.

Isumaqatigiissut manna nunatsinni meeqqat atuarfiini atuartitsisut tjenestemænditut imaluunniit Kalaallit Nunaanni meeqqat atuarfii pillugit isumaqatigiissut malillugu atorfeqartitaangitsunut atuuppoq.

Imm. 2. Atuartitsisut taakkua timelæreritut taartaasartutullu taaneqarput ukunungalu attuumassuteqarlutik:

- a. Timelærerit ilinniartitsisutut ilinniarsimangitsut kisiannili immikkut piginnaaneqartut (kap. II)
- b. Timelærerit ilinniartitsisutut ilinniarsimasut (tassunga ilanngullugit faglæreritut ukiuni marlunni ilinniarsimasut, ajoqitut ilinniarsimasut, perorsaasutut ilinniarsimasut kiisalu najugaq qimannagu ukiuni pingasuni ilinniartitsisutut ilinniarsimasut) aamma timelærerit palasitut ilinniarsimasut (kap. III)
- c. Vikarit:(kap. IV).

§ 2

Timelærerit

Timelærerinut tunngatillugu tassani pineqarput inuit meeqqat atuarfianni nalunaaquttap akunnerini aalajangersimasuni ukioq atuarfiusoq naallugu piffissalluunniit taassuma ilaani atuartitsisussatut atorfinitsinneqarsimasut.

Imm. 2. Kalaallit Nunaanni meeqqat atuarfiini ilinniartitsisut tjenestemænditut imaluunniit isumaqatigiissutit malillugit atorfeqartitat atuartitsinerup ilaani nalunaaquttap akunnerini atuartitsiviusussani ilinniartitsisut atuartitsisinnaangikkaangata atuartitsisussatut timelærerit atorfinitsinneqassapput.

Imm. 3. Timelærerit najugarisami siumoortumik sulisussarsiornermi allagarsiisoqarneratigut atorfinitsinneqassapput.

Imm. 4. Atorfinititsitsinermi allagartat suliarineqassapput.

Imm. 5. Isumaqatigiissut manna malillugu atorfinitsitsinermi atorfinitsitaanermut uppersarsaatip assilinera IMAK-imut nassiunneqassaaq.

§ 3

Vikarit

Taartaasartunut tunngatillugu tassani pineqarput inuit meeqqat atuarfianni piffissami sivikinnerusumi atuartitsisussatut atorfinitsinneqartut, ilinniartitsisunit aalajangersimasumik atorfilinnit arlaannik peqquteqartumik atuartitsisoqarsinnaatinnagu.

§ 4

Timelærerinik atorfinitsitsisarneq

Timelærerit ukiumut nalunaaquttap akunneri 1040-it ataallugit atuartitsisussatut atorfinitsinneqartut, sivilunerpaamik ukioq atuarfiususaaq naallugu atorfinitsinneqartarput.

Imm. 2. Timelærerit ilinniartitsisutut ilinniarsimanngitsut ukiumut nalunaaquttap akunneri 1040-t ataallugit atuartitsisussatut atorfinitsinneqartut ukiullu atuarfiusussap aallartinnerani atorfinitseqqinneqartartut qulaani aalajangersakkat malillugit sulingiffeqarnerminni akissarsiaqassapput.

Imm. 3. Ukiup atuarfiusussap tullissaata aallartinnissaanut timelærerinut immikkut tamanut ukiumut nalunaaquttap akunneri 1040-t ataallugit juunip 1-at nallertinnagu atuartitsisartussanut atorfinitsitseqqinnissamik nalunaaruteqarneq atorfinitsitsisarnermi oqartussaasunit nalunaarutigineqassaaq.

Imm. 4. Timelærerereq najugarisaq qimannagu ilinniartitsisunngorniartoq, ilinniartitsisunngorniarnermi nalaani

timelærerinut ukiumut nalunaaquttap akunneri 1040-it taakkulu sinnerlugit atuartitsisartunut atorfinitsitsisarnermi atugassarititaasut malillugit atugassaqaqtitaassaaq, ilinniarnep nalaani akunnerit ukiumut atuartitsiviusussat qanorluunniit amerlassuseqaraluarpata.

Imm. 5. Timelærerinik ukiumut nalunaaquttap akunneri 1040-t amerlanerusulluunniit atorlugit sulisartussat atorfinitsinneqartunik suliunnaarsitsineq taamaallaat pequtissaqarluartumik tunngavissaqaqtillugu pisinnaavoq.

Ileqqorissaarnissamut tunngasut pequtissaqarluartumik tunngavissaapput. Timelærerit ilinniarsimangitsut najugarlu qimannagu ilinniartitsisut ilinniartuunngitsut eqqarsaatigalugit suliunnaarsitsinissami pequtissaqarluartumik tunngavilersuutaasoq tassaasinnaavoq, suliap ilinniartitsisut ilinniarsimasumit imaluunniit najugarisami allagarsiinikkut tamanna § 2, imm. 3 naapertorlugu inummit suliatigut imaluunniit atuartitsinerup tungaatigut misilittagaqarneq tunngavigalugu piukkunnarnerusumit ingerlanneqarnissaanut periarfissaqalernera. Suliunnaarsitsineq § 6-imi ilimasaaruteqarnissamut aalajangersakkat malillugit pissaq.

Imm. 6. Atorfinitsitsinermiit ukiumi siullermi ukiup atuarfiusussap aallartinnginnerani ukiumi atuartitsiviusussami akunnerit atuartitsiviusussat amerlassusissaat allannguuteqartarsinnaapput, aatsaalli suliunnaarsitsinissamut ilimasaaruteqartarnissaq pillugu § 6-imi aalajangersakkat taaneqartut naapertorlugit. Taamaattorli ukioq atuartitsiviusussaq sioqqullugu akunnernik atuartitsiviusussanik 10 %-it qaangerlugit ikilisaasoqarsinnaangilaq. Timelærerinut ukiumut nalunaaquttap akunneri 1040-t sinnerlugit atuartitsisartunut annerpaamik akunnerit 1040-t tikillugit taamaallaat ikilisaasoqarsinnaavoq. Akunnerit atuartitsiviusussat ikilisarnerini qaangiuttoornerit ilaatinneqassanngillat.

§ 5

Timelærerinut sulinngiffeqarluni angalasarnermi aningaasaateqarfik

Timelærerinut piffissaq tamaat sulisartunut sulinngiffeqarluni angalanissamut aningaasaateqarfimmut Ilinniartitsisut Meeqqat Atuarfianneersut Kattuffiata Timelærerinut sulinngiffeqarluni angalasarnermi aningaasaateqarfianut sulisitsisoq sulinngiffeqarluni angalanissamut qaammammut kr. 171,00-nik tapiissuteqartarpoq. Piffissaq tamaat sulinerup nalaani suliassakitsillugu tapiissutit nikerartassapput.

Imm. 2. Tapiissutit akiliutigineqartut aningaasaateqarfiup siulersuisuinit aqunneqassapput. Aningaasaateqarfiup siunertaraa timelærerit sulinngiffeqarlutik angalanissaannut tapersiissuteqarluni tapiissuteqartarnissaq.

Imm. 3. Malittarisassat malittarisassanillu allannguinerit Aningaasaqarnermut- Sulisoqarnermullu Aqutsisoqarfimmi Isumaqatiginninniartarnermut allaffimmit akuerineqartassapput. Ukiumoortumik naatsorsuutit septembarip 30-ani saqqummiunneqartassapput. Sulinngiffeqarluni angalasarnermi aningaasaateqarfiup naatsorsuutai kukkunersioriikkat kingusinnerpaamik ukiumi naatsorsuusiorfiusumi decembarip 31-ani Naalakkersuisunut ilisimatitsissutitut nassiunneqartassapput.

§ 6

Atorunnaarsitsineq

Sulisut atorfilittut naatsorsuunneqarsinnaasut sulisitsisut atorfillillu akornanni ilimasaaruteqartarnermi suliunnaarsitsisarnermilu inatsiseqartitsinermit tunngasut pillugit Inatsisartut inatsisaat nr. 11, 29. november 2013-imeersumut ilaapput.

Imm. 2. Sulisunut atorfilittaangitsunut atugassarititaasut makkua isumaqatigiissutigineqarput:

- 1) Timelærerip atorfeqarnini isumaqatigiissut qaammammik ataatsimik sioqqutsilluni ilimasaarinikkut atorunnaarsissinnaavaa.
- 2) Atorfeqarnermi ukiumi siullermi timelærerit sulisitsisumiit qaammammik ataatsimik siumut ilimasaaruteqarnikkut suliunnaarsinneqarsinnaavoq,
- 3) tamatuma kingorna sulisitsisup tungaaniit qaammatit pingasut siumut ilimasaaruteqartarnissaq piumasagaataavoq.

Imm. 3. Suliunnaarneq sulisup aammattaq sulisitsisup allakkatigut nalunaarutigineqassaaq.

Oqaaseqaat: Atorfilittatut inissisimanissami aalajangiisuulluinnarpoq tassaavoq, 1) sulineq inatsimmi § 1, 2-mut ilaanersoq) aammalu sulisup 18-inik ukioqalereersimanissaa, 3) piffissaq suliffiusartooq agguaqatigiissillugu piffissami suliffiusumi sapaatip akunneranut nalunaaquttap akunneri 15-it angusimanissaat. Aammattaq takuuk inatsimmi § 1-imut oqaaseqaatigineqartut.

§ 7

Suliamut atatillugu piginnaasaqarnermi pikkorissutsimut tapit

Sulisunut kapitali II aamma III malillugu piginnaangorsaqqiffiusumik- imaluunniit ingerlaqqiffiusumik ilinniaqqissimasunut pikkorissutsimut tapisiaqartitsisoqarsinnaavoq.

Imm. 2. Piginnaangorsaqqinnernut- imaluunniit ingerlaqqiffiusumik ilinniaqqinnernut makkununga pikkorissutsimut tapisiaqartitsisoqartassaaq:

- a. Perorsaalluni IT-mik atuisinnaanermut uppersarsaat qaammammut 200,00 kr.-nik tapeqartinneqassaaq
- b. Credemik, coacherinerimik, soraarummeernerimil nalilleeqataasarnermik pikkorissarnernullu allanut minnerpaamik nalunaaquttap akunneri katillugit 200-t piginnaasaqarnerulerniarlutik pikkorissarsimasut qaammammut 500,00 kruuninik tapeqartinneqassapput.
- c. Atuarfimmik inerisaasutut/pitsaassutsimik inerisaasutut aamma siunnersuisartutut ilinniagaqarsimaneq qaammammut 1.000,00 kr.-nik tapeqartinneqassapput
- d. Diplomitaarniarluni qaffasissumik ilinniartitaanerit aamma perorsaasutut ilinniartitaanerit, oqallorissaasut

tutsarissaasullu, immikkut sammisalittut ilinniartitsisutut
ilinniartitaanerit aamma atuarfimmi atuakkanik
atorniartarfimmi atuagaatilerisutut ilinniartitaaneq
qaammammut 1.000,00 kr.-nik tapeqartinneqassapput
e. Masterit, cand. pæd.-it aamma cand. psyk.-it qaammammut
1.500,00 kr.-nik tapeqartinneqassapput.

Imm. 3. Inatsimmi immikkoortoq taanna malillugu taamaallaat tapimik
ataatsimik tunniussisoqarsinnaavoq, naak aamma immikkut
tapisiaqaataasinnaasunik ilinniagaqaqqissimagaluaraanni imaluunniit
ingerlaqqiffiusumik ilinniarsimasuogaluaraanni.
Piginnaasaqalerfiusumik arlaleriarluni ilinniaqqereernermi
imaluunniit ilinniagaqaqqereernermi tapi naleqarnerpaaq
tunniunneqartassaaq.

Kapitali II. Timelærerit ilinniartitsisutut ilinniarsimangitsut

§ 8

Piffissaq suliffiusoq

Sulisoq Kalaallit Nunaanni meeqqat atuarfiini ilinniartitsisut
aqutsisullu sulisarneri il. il. pillugit isumaqatigiissutitut
sukkulluunniit atuutsinneqartunut ilaavoq. Tamanna naapertorlugu
nalinginnaasumik immikkullu ittumik sulianut
suliartoqqunekaratarsinnaanermut qaangiuttoornermullu
tapisiaqartitsisoqartassaaq.

§ 9

Tapit, ajunngitsorsiat, akissarsiat il.il.

Timelærerit ilinniartitsisutut ilinniarsimangitsut
ilinniartitsisunut tjenestemanditut atorfilinnut atugassarititaasut
assigalugit tapisiaqarsinnaatitaapput,
ajunngitsorsiaqarsinnaallutik, akissarsiaqartinneqarlutik il. il.
suliassat immikkullu suliarisariakkat ingerlanneqartillugit.

§ 10

Akissarsiat

Timelærerit ilinniarsimanngitsut tamakkiisumik atuartitsisussatut
pisussaaffilikkat skalat uku malillugit
akissarsiaqartinneqassapput:

Trin	Sulisimanerup sivisussusia	1. aprili 2018	1. aprili 2019	1. aprili 2020
1	Ukiut 1-2	16.117,32	16.474,88	16.773,99
2	Ukiut 3-5	17.062,73	17.441,27	17.757,92
3	Ukiut 6-8	17.422,00	17.808,51	18.131,83
4	Ukiut 9-10	18.321,03	18.727,48	19.067,49
5	Ukiut 11-12	18.590,03	19.002,46	19.347,45
6	Ukiut 13.-14	19.444,81	19.876,20	20.237,06
7	Ukiut 15.-16	19.896,03	20.337,43	20.706,66
8	Ukiut 17-18	20.524,31	20.979,65	21.360,54
9	Ukiut 19-20	21.198,60	21.668,89	22.062,30
10	21 qummullu	22.009,07	22.497,35	22.905,79

Imm. 2. Ukiuni arlalinni sulisimagaanni imm. 1 malillugu
akissarsianik aalajangersaanermut atatillugu
ilaatinneqarsinnaasunik taakku qaammammut ullut atuartitsiviusussat
tamakkerlugit katinneri timelærerip meeqqat atuarfiannut atatillugu
atuartitsivigisimasai, atorfeqarnermi nalinginnaasumik piffissap
suliffiusussap iluani minnerpaamik taakkua affai
naatsorsuunneqassapput, taamaattorli § 4 naapertorlugu,

Imm. 3. Annerpaamilli augustip 1-at 1981 sioqqullugu ukiut
suliffiusimasut 8-t ilanngunneqarsinnaapput.

§ 11

Sumiiffimmu tapit

Akissarsiassanut § 10-imi taaneqartunut Kalaallit Nunaanni meeqqat
atuarfiini ilinniartitsisunut tjenestemandinut atorfeqartitanut

malittarisassat atuutsinneqartut malillugit sumiiffimmut
tapisiaqartitsisoqassaaq.

§ 12

Akissarsisitsineq

Akissarsiat kingumoortumik qaammammut tunniunneqartassapput.

Imm. 2. Akissarsianut ilanngaatit tamatumuuna malittarisassat
sukkulluunniit atuutsinneqartut naapertorlugit pisassapput.

Oqaaseqaat: Kalaallit Nunaanni meeqqat atuarfiini ilinniartitsisunut
piffissaq suliffiusartog il. il. pillugu isumaqatigiissummi
akissarsianik ilanngaatsittarnissaq pillugu malittarisassanut
timelærerit ilaapput.

§ 13

Utoqqalinersiat

Timelærerit ilinniartitsisutut ilinniarsimanngitsut Lærernes
Pension A/S-mi soraarnerussutisiassanut aqqissuussamut
ilanngunneqartassapput.

Imm. 2. Pensionisiassanut akiliutaasartog § 10 malillugu akissarsiat
9 %-inik annertussuseqassaaq.

Imm. 3. Akissarsisitsinermi oqartussaasoq akissarsianiit
pensionisiassanut akiliutissat ilanngaatigisassavai
akissarsisitsinermullu atatillugu pensionisiassanut akiliutit
tunniuttassallugit.

§ 14

Ataatsimoorussamik sillimmasiisarneq

Ataatsimoorussamik sillimmasiisarneq pillugu immikkut
isumaqatigiissusiamut sulisoq ilaasarpoq.

§ 15

Feeria

Timelærerit ilinniartitsisutut ilinniarsimangitsut
Sulinngiffeqartarneq pillugu Inatsisartut inatsisaat nr. 10, 12.
november 2001-imeersoq malillugu ukiumut
sulinngiffeqarsinnaatitaapput.

Imm. 2. Ullut sulinngiffeqarfiusussat nalinginnaasumik atuartut
atuangiffeqarnerisa nalaanni atorpeqartarput.

§ 16

Napparsimaneq

Timelærereq ilinniartitsisutut ilinniarsimangitsoq napparsimanini
pissutigalugu sulisinnaangippat, taassuma kinguneranik
sulinnginneq inatsisinik unioqqutitsinani sulinnginnertut
isigineqassaaq, sulisoq sulinermini piaaraluni
mianersuaalliorujussuarluniluunniit napparsimalersimangippat
imaluunniit atorfininnermini salloqittaalluni napparsimanini
nipangiusimasimangippagu.

Imm. 2. Timelærereq qaammatini tulleriiginnarni aqqaneq marlunni
katillugit ulluni 120-ini napparsimanermini akissarsiaqarsimappat,
qaammammik ataatsimik siumut ilisimatitsererluni qaammatip
naaneranut suliunnaarsinneqarsinnaavoq. Soraarsitsineq aatsaat
ullunut 120-inut atatillugu atuutsinneqarsinnaavoq, aammalu
pineqartoq suli napparsimasimappat. Atuutsitsineq,
soraarsitsisoqareeraluartoq, timelærerip suliartoqqinnerani
sunniuteqassanngilaq.

Imm. 3. Imm. 2-mi aalajangersagaq malillugu atorfeqartitsineq
taamaatinneqareeraluartoq, taamaattoq tamanna
uteqqinneqartariaqassaaq pineqartoq sulisinnaaleqqippat, aammalu
pineqartup atuarfimmi suliffigisaani taassuma sulisoreqqinnissaa
pisariaqartinneqarpat.

Imm. 4. Napparsimaneq pissutigalugu sulinngitsoornerit nakorsap allagartaliineratigut uppersaaseqquneqarsinnaapput.

§ 17

Meeqqap napparsimanera ulloq siulleq

Timelærerit ilinniartitsisutut ilinniarsimangitsut tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq, meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a. Ulloq tassaappat meeqqap napparsimaffia siulleq,
- b. Meeqqap isumassornissaata tamanna pisariaqalersissimappagu
- c. suliffigisami pissutsit tamanna ajornartinngippassuk, aamma
- d) meeraq angerlarsimappat.

Imm. 3. Ullut napparsimaffiit allattorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

§ 18

Naartuneq, meerartaaneq meeravissiartaarnerlu

Timelærerit ilinniartitsisutut ilinniarsimangitsut naartunertik, meerartaarnertik meeravissiartaarnertillu pissutigalugu akissarsiatik nalinginnaasumik pigiinnarlugit sulinngiffeqarsinnaatitaapput tamanna Naartunermi, erninermi meeravissiartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq naapertorlugu.

Imm. 2. Atorfimmiit akissarsiaqaatigalugu sulinngiffeqarneq ukiut suliffigisimasat malillugit akissarsianut ilaatinneqassapput.

§ 19

Toqusoqarnera

Timelærerereq atorfeqarnermi nalaani toqukkut qimaguppat aappaasumut qimataasumut meeraanulluunniit 18-it inorlugit ukiulinnut timelærerip pilersugassatut pisussaaffigisaanut qaammat 1, 2 imaluunniit 3-meersut qaammammut akissarsiasai tutsinneqassapput. ukiut 1, 2 imaluunniit 3-t.

§ 20

**Qanigisat napparsimarulunnerat aamma/imaluunniit toqunerat
ilisaanerallu**

Qanigisamik napparsimaruluttoqartillugu aamma/imaluunniit toqusoqartillugu ilisisoqarniartillugulu sulisoq siumut utimullu akiliutsilluni akissarsiani pigiinnarlugit sulingiffeqarsinnaatitaavoq Kalaallit Nunaanni tjenestemændinut malittarisassat sukkulluunniit atuutsinneqartut naapertorlugit.

Oqaaseqaat: Isumaqatigiissut tassaavoq C-I, 4-1-37.

§ 21

Savaateqarfinni il. il. angerlarsimaffimmi atuartitsineq

Pissutsini immikkut ittuni soorlu angajoqqaat nammineerlutik meeqqaminnik atuartitsineranni, ilinniartitsisoq timelæreritut § 10 naapertorlugu ukiumut minnerpaamik akunnernut atuartitsiviusunut 210-nut akissarsiaqartinneqassaaq. Aammattaq ilinniartitsisup suliassatut pilersaarutai nalinginnaasumik suliassanut piffissaq suliffiusartog il. il. pillugit isumaqatigiissummi § 7 aamma § 19, imm. 5 naapertorlugit ilaasutut naatsorsorneqartassapput. Taamatut akissaasersuinermi makkua apeqqutaassapput:

- a. Isorliunerusuni pissutsit matumani pineqarput soorlu savaatillit il. il. tamaani meeqqat angajoqqaaminnit atuartinneqarnissaat kisiat periarfissaagaangat.
- b. Kommunini oqartussaasunit angerlarsimaffimmi atuartitsinissaq akuerisaavoq.

§ 22

Qaanaami piniariartarnerit

Pissutsini immikkut ittuni siornatigut Qaanaap Kommunerigallagaanni timelærerinut immikkut ittumik isumaqatigiissuteqartoqartarpoq taakkua piniariarnernut peqataasarnerannut atatillugu atorfinitsinneqarnermi akissarsiaqartinneqarnermilu atugassarititaasut pillugit, kiisalu timelærerinut siusinnerusukkut piniartutut inuussutissarsioruussimasunut.

Imm. 2. Imm. 1 malillugu isumaqatigiissuteqarnissani atuartitsinissap kommunini oqartussaasunit akuerineqarsimanissaa apeqqutaassaaq. Tamatuma kingorna isumaqatigiissut ilisimatitsissutitut ukununga nassiunneqassaaq Ilinniartitsisut Meeqqat Atuarfianneersut Kattuffiat, IMAK.

Kapitali III. Timelærerit ilinniartitsisutut ilinniarsimasut

§ 23

Timelærerit ilinniartitsisutut ilinniarsimasut akissarsiaqartinneqartarneri

Timelærerit ilinniartitsisutut ilinniarsimasut Kalaallit Nunaanni meeqqat atuarfiini ilinniartitsisut il. il. isumaqatigiissutaanni § 6 naapertorlugu akissarsiaqartinneqassapput, taakkua imatut inissisimmammata:

- 1) Timelærerit meeqqat atuarfiini ilinniartitsisutut ilinniarsimasut, meeqqanut mikinernut ilinniartitsisut kiisalu ilinniartitsisut ukiuni marlunni immikkut ittumik faglæreritut Ilinniarfissuarmi ilinniarsimasut, kiisalu ilinniartitsisut najugarisaq qimannagu ukiuni pingasuni ilinniartitsisunngorniarnerminni naammassisimasut (ilinniagaq kingusinnerpaamik 1. august 1994-imi aallartinneqarsimappat):
- 2) Isumaqatigiissummi § 7, imm. 1 Løntrin 7, 8, 9, 10, 11, 12, 14, 16 aamma 18 malillugu.
- 3) Timelærerit meeqqat atuarfiini ilinniartitsisutut naammassisimasut, timelærerit ajoqitut ilinniarsimasut kiisalu timelærerit palasitut ilinniarsimasut:
Isumaqatigiissummi § 7, imm. 1 Løntrin 12, 13, 14, 15, 18, 19, 20, 21, 22, 23, 24, 25 aamma 26 malillugu.

Imm. 2. Timelærerit ilinniartitsisutut ilinniarsimasut Kalaallit Nunaanni meeqqat atuarfiini ilinniartitsisut il. il. isumaqatigiissutaanni aalajangersakkannut makkununga aammattaq ilaapput:

§ 1, imm. 1-2, § 6, § 7 (atuarfiup pisortaata tullii, atuarfiup pisortai, sunngiffimmi sammisassaqartitsinermullu pisortat, aamma atuarfiup pisortaaneranut tassunga ilanngullugit imm. 4-6 pillugit aalajangersakkat minillugit) § 15, § 16, § 20, § 21, imm. 1-4, § 22, § 23, § 24, § 26, § 27, § 29, § 30, § 31, § 34, § 35 (napparsimanermi akissarsiaqartitsisarneq pillugu aalajangersagaq kiisalu soraarninngornermi akissarsiat pillugit aalajangersakkat oqaaseqaatitaat), § 36, imm. 3-5, § 38, § 39, § 41, aamma § 42.

Kapitali IV. Vikarit

§ 24

Taartaasartunik akissarsiaqartitsisarneq

Nalunaaquttap akunnera ilivitsoq taartaanermi imatut akissaasersuisoqartarpoq:

- a. Taartaasartunut ilinniartitsisutut ilinniarsimasunut § 23 imm. 1, nr. 1-2 malillugu allassimavoq:
- b. Ukiumut aningaasarsiat 1/2080-ii pensionisiassat tapillu ilaatinagit, piffissaq suliffiususaaq tamakkerlugu sulinermi timelærerit ilinniartitsisutut ilinniarsimasut § 23, imm. 1, nr. 1-2 naapertorlugit akissarsiaqartinneqassapput.
- c. Atuartitsinermi taartaasartumit ingerlanneqartumi taartaasumut ilinniartitsisutut ilinniarsimasumut nalunaaquttap akunneri atorineqartut faktor 1,88 naatsorsuinermi atorineqassaaq tamanna Kalaallit Nunaanni meeqqat atuarfiini ilinniartitsisut il. il. isumaqatigiissutaanni § 6, imm. 2 naapertorlugu.¹
- d. Taartaasartunut ilinniartitsisutut ilinniarsimasunut:
- e. Taartaaneq nalunaaquttap akunneranut kr. 187,85-inik akissarsiaqartitsisoqartarpoq.

¹Kalaallit Nunaanni meeqqat atuarfiini ilinniartitsisut il. il. suliffissaasa siviussusissaat pillugu isumaqatigiissut 27. august 2014-imeersoq.

f. Nalunaaquttap akunneranut akissarsiat taartaasartup atuartitsineranut, piareersarneranut, nakkutilliineranut unillatsiarneranut il. il. tamanut atuuppoq.

§ 25

Taartaasartunut akissarsianik naatsorsuisarneq akissarsisitsisarnerlu

Taartaasartunut akissarsiassat taartaanermi nalunaaquttap akunneri atornerqartut tunngavigalugit naatsorsorneqartassapput, suliartoqqunegaratarsinnaanermullu tapisiat ilaatinneqassanatik.

Imm. 2. Akissarsiassat taartaanermi akissarsivissamut siullermut taartaanerup taamaatinnerani tigusassanngortinneqassapput, taamaattorli kingusinnerpaamik qaammatip naanerani.

§ 26

Feeria

Taartaasartut Sulinngiffeqartarneq pillugu Inatsisartut inatsisaat nr. 10, 12. november 2001-imeersoq naapertorlugu ukiumut sulinngiffeqarsinnaatitaapput.

Imm. 2. Taartaasartut sulinngiffeqarnerat aasakut atuangiffeqarnerup nalaani pisartussatut naatsorsuunneqarpoq.

Imm. 3. Taartaasartunut Sulinngiffeqartarneq pillugu Inatsisartut inatsisaat nr. 10, 12. november 2001-imeersoq naapertorlugu sulinngiffeqarnermi akissarsiaqartitsisoqartassaaq.

§ 27

Atorunnaarsitsineq

Sulisut atorfilittut naatsorsuunneqarsinnaasut sulisitsisut atorfillillu akornanni ilimasaaruteqartarnermi suliunnaarsitsisarnermilu inatsiseqartitsineranut tunngasut pillugit Inatsisartut inatsisaat nr. 11, 29. november 2013-imeersumut ilaapput.

Imm. 2. Sulisunut atorfilittaangitsunut isumaqatigiissutaavoq, taartaasarneq suknulluunniit taamaatinneqarsinnaasoq imaluunniit

ØD J. nr.: 16.40/506/2018

ullup tullissaani soraarnissamut nammineerluni soraarniummik tunniussinikkut.

Oqaaseqaat: Atorfilittatut inissisimanissami aalajangiisuulluinnartoq tassaavoq, 1) sulineq inatsimmi § 1, 2-mut ilaanersog) aammalu sulisup 18-inik ukioqalereersimanissaa, 3) piffissaq suliffiusartoq agguaqatigiissillugu piffissami suliffiusumi sapaatip akunneranut nalunaaquttap akunneri 15-it angusimanissaat. Aammattaq takuuk inatsimmi § 1-imut oqaaseqaatigineqartut.

**Kapitali VI. Aalajangersakkat allat isumaqatigiissutillu
atuutilerfissaa aamma atorunnaarsinnissaa il. il.**

§ 28

Nipangiussisimasussaataaneq

Timelærerit atorfimminnut atatillugu ilisimalikkaminnik nipangiusimasussaataapput, taakkualu pissutsimikkut isertuulluinnarneqarnissaat pisortarisamit piumasarineqarpata. Suliunnaarnikkut nipangiussisimasussaataaneq atorunnaarneq ajorpoq.

§ 29

Sulisut sinniisui

Sulisut Kalaallit Nunaanni meeqqat atuarfiini sinniisoqarneq pillugu isumaqatigiissummut ilaapput. Kisianni timelærerinut ilinniartitsisutut ilinniarsimangitsunut Kalaallit Nunaanni meeqqat atuarfiini sinniisoqarneq pillugu isumaqatigiissummi § 7, imm. 7 naapertorlugu tapeqartitsinissaq ilaatinneqarneq ajorpoq.

§ 30

Tungaviusumik isumaqatigiissut

Sulisut tungaviusumik makkua akornanni isumaqatigiissutinut ilaapput Namminersorlutik Oqartussat aamma Ilinniartitsisut Meeqqat Atuarfianneersut Kattuffiat, IMAK.

Imm. 2. Inunnik ataasiakkaanik soraarsitsisinnaaneq atornegaraangat tamanna kinaassusersiornermik tunngaveqartassanngilaq. Tamatumuuna apeqqutigineqartut tunngaviusumik isumaqatigiisummi imm. 1-imi malittarisassat taaneqartut malillugit suliarineqarsinnaapput.

§ 31

Atuutilerfia aamma atorunnaarsinneqarnissaanik kalerriuteqarneq

Sinerissamut immikkoortitaniit tapisiaqartinneqartut pillugit isumaqatigiisutip atorunnaarnera nangillugu tapigitinneqareersut inummut tapinut aaqqinneqarput, atuutilersitsinermi atorunnaartussat. Suliffissaarunnermut tapi atoqqinneqarsinnaanngilaq.

Imm. 2. Isumaqatigiisut una ulloq 1. april 2018-imiit atuutilerpoq. Isumaqatigiisut, isumaqatigiisutininik, isumaqatiginniutigisimasanik aamma ilanngussanik ilaqartoq illuatungeriinnit tamanit qaammatinik pingasunik sioqqutsillugit marsip 31-anut atorunnaarsinneqarsinnaavoq, taamaattorli siusinnerpaamik 31. marts 2021.

Imm. 3. Matumuuna Kalaallit Nunaanni Namminersorlutik Oqartussat isumaqatigiisutaat 27. august 2014-imeersoq Namminersorlutik Oqartussat kiisalu Meeqqat Atuarfianneersut Kattuffiat, IMAK-ip akornanni Kalaallit Nunaanni meeqqat atuarfiini timelærerinut taartaasartunullu isumaqatigiisutaa atorunnaarpoq.

Nuuk, ulloq

Ilinniartitsisut Meeqqat
Atuarfianneersut Kattuffiat
(IMAK)

Naalakkersuisut
Sinnerlugit

Birthe Møller Therkildsen

André Guttesen